

## برنامج " برعاية..!!"

مساء الخير البرنامج النهاردة هيكون برعاية " الفن"

طبعا عزيزي المستمع مستنيني أقولك ان الفن هو غذاء الروح، وهو السلطة الخامسة والمصدر الاقوي لتنمية العقل والفكر، وانت تقول عليا ايه جو الأكلشيهات ده، وسمعاك ياللي بشتم وتقول، هو بقي فيه فن، كفاية علي عوكه واشرف كوخة اللي متصدرين الساحة، والعيال تشوفهم تروح دوغري ملونة شعرها فحولقي، ولا مدية حواجبها بشلة..

عزيزي المستمع، لما عيالك وعيالي وعيال الجيران، يلونوا شعرهم ويفلدوا الممثل الفلاني ولا المغني العلاني ده معناه ، ان الفن ليه تأثير قوي جدا فوق فوق ماتتخيل..

ولكن مع كل أشكال الفنون الموجودة في العالم، فيه نوع كدة من الفن بيحاول يقاوم ويعيش، فن بيتبني قضايا وأفكار ومعاني قوية، بيحاول ينشر الحقايق، يآثر في الناس ، يغير مجتمعات لسة عايشة في الجاهلية ، يغير دول وسياسات وقوانين وتشريعات، فن يبحارب عشان ينشر العدل والحق بين الناس.. كل اللي في ايده، فكرة جات من الخيال ويبدأ يحولها لفيلم او اغنيه، بس اوعي تستقل بيهم ، لانهم أقوي بكتير من السلاح، فن ياخذ عقلك ويتحكم في مشاعرك بس للأحسن..

وعشان كدة هنشرح ليكوا اوبرت "الحلم العربي" هو قديم بس عظيم في فكرته ولحنه ومغنيه، بيعبر عن حلم، وحلم كبير اوي كمان، بس مش مستحيل ويمكن نصحي في يوم نلاقيه متحقق..مين عارف !! ومن هنا، نرجوا من السادة المستمعين مطالبة الحكومة بوضع الفن الهادف ضمن دعم التموين والسلع الاساسية..ونرجوا منكم اختيار نوع الفن اللي يحسن من مستوي حياتكم الفكري والوجداني.. شكرا لكم واللي اللقاء.

// تشغيل "اوبرت الحلم العربي" كخلفية